



Broj: 04 - 394 /24

Datum: 02. 02. 2024. godine

Na osnovu člana 17 tačka a) Zakona o zapošljavanju i pravima za vrijeme nezaposlenosti („Službeni glasnik Brčko distrikta Bosne i Hercegovine“ br. 1/23 i 19/23), i člana 11 stav (2) Poslovnika o radu Upravnog odbora Zavoda za zapošljavanje Brčko distrikta BiH (br.04-650/17), Upravni odbor Zavoda za zapošljavanje Brčko distrikta dana 02. 02. 2024. godine, **donosi**

PRAVILNIK
O KRITERIJUMIMA, VISINI I NAČINU OBRAČUNA NAKNADE TROŠKOVA PREVOZA NA POSAO I PREVOZA S POSLA U
ZAVODU ZA ZAPOŠLJAVANJE BRČKO DISTRIKTA BOSNE I HERCEGOVINE

Član 1.
(Predmet)

Pravilnikom o kriterijumima, visini i načinu obračuna naknade troškova prevoza na posao i prevoza s posla u Zavodu za zapošljavanje Brčko distrikta BiH (daljem tekstu: Pravilnik) utvrđuju se kriterijumi i način obračuna naknade troškova za prevoz na posao i prevoz s posla zaposlenih u Zavodu za zapošljavanje Brčko distrikta BiH (u daljem tekstu: Zavod).

Član 2.
(Definicije)

Pojedini izrazi upotrebljeni u ovom Pravilniku imaju sljedeće značenje:

- a) Zaposleni je svaki radnik zaposlen u Zavodu.
- b) Mjesto stanovanja je adresa navedena u potvrdi o prebivališu, koju izdaje nadležni organ.
- c) Mjesto rada je adresa sjedišta Zavoda ili organizacione jedinice Zavoda.
- d) Udaljenost mjesta rada od mjesta stanovanja zaposlenog je udaljenost od adrese mjesta rada do adrese mjesta stanovanja zaposlenog.
- e) Dolazak na posao i odlazak s posla je dolazak na adresu mjesta rada iz mjesta stanovanja i odlazak s adrese mjesta rada u mjesto stanovanja.

Član 3.
(Kriterijumi za naknadu troškova)

- (1) Zaposleni ima pravo na mjesečnu naknadu troškova prevoza na posao i prevoza s posla obračunatih po osnovu sljedećih kriterijuma:
 - a) prosječne udaljenosti mjesta rada od mjesta stanovanja zaposlenog za stvarni broj dolazaka na posao i odlazaka s posla, pod uslovom da dnevno putuje na relaciji mjesto rada – mjesto stanovanja,
 - b) prosječne udaljenosti mjesta rada od mjesta stanovanja zaposlenog kada je rad organizovan u smjenama na način da za izvršavanje nije potreban svakodnevni dolazak na posao i odlazak s posla, za stvarni broj dolazaka na posao i odlazaka s posla,
 - c) broj radnih dana u mjesecu, za efektivno radno vrijeme provedeno na radu u tom mjesecu,
 - d) iznosa od 9% od maloprodajne cijene litre dizel goriva na području Brčko distrikta BiH (u daljem tekstu: Distrikt), a koja se utvrđuje na dan 31. avgusta tekuće fiskalne godine za narednu fiskalnu godinu,
 - e) amortizacije troškova prevoza i



f) prosječnog broja putnika.

- (2) Broj dolazaka na posao i odlazaka s posla u mjesecu za koji se vrši obračun naknade troškova prevoza na posao i prevoza s posla ne može biti veći od broja radnih dana u istom mjesecu utvrđenih na osnovu radnog vremena od 40 sati sedmično.
- (3) Visina mjesečne naknade troškova prevoza na posao i prevoza s posla isplaćuje se samo za efektivno radno vrijeme koje je zaposleni proveo na poslu.

Član 4.

(Udaljenost mjesta rada od mjesta stanovanja)

- (1) Udaljenost mjesta rada od mjesta stanovanja zaposlenog iskazuje se u kilometrima (km) pređenih u oba smjera.
- (2) Udaljenost mjesta rada od mjesta stanovanja određuje se prema prosječnoj udaljenosti i razvrstava se u sljedeće kategorije:
 1. 0 (nulta) kategorija=udaljenost mjesta rada od mjesta stanovanja od 0 do 4km-prosječna udaljenost 2km;
 2. I kategorija= udaljenost mjesta rada od mjesta stanovanja od 4 do 10km -prosječna udaljenost 7km;
 3. II kategorija= udaljenost mjesta rada od mjesta stanovanja od 10 do 20km- prosječna udaljenost 15km;
 4. III kategorija= udaljenost mjesta rada od mjesta stanovanja od 20 do 30km- prosječna udaljenost 25km;
 5. IV kategorija= udaljenost mjesta rada od mjesta stanovanja od 30 do 40km- prosječna udaljenost 35km;
 6. V kategorija= udaljenost mjesta rada od mjesta stanovanja od 40 do 50km- prosječna udaljenost 45km;
 7. VI kategorija= udaljenost mjesta rada od mjesta stanovanja od 50 do 60km- prosječna udaljenost 55km;
 8. VII kategorija= udaljenost mjesta rada od mjesta stanovanja više od 60km- prosječna udaljenost 60,5km;
- (3) Udaljenost mjesta rada od mjesta stanovanja, iskazanu u kilometrima (km) zaposleni navodi u izjavi iz člana 6. stav (3) ovog Pravilnika.
- (4) Za utvrđivanje udaljenosti mjesta rada od mjesta stanovanja zaposleni koristi najkraću putnu komunikaciju u oba smjera.
- (5) U slučaju kada zaposleni obavlja poslove na više radnih mjesta, za utvrđivanje udaljenosti mjesta rada od mjesta stanovanja uzima se mjesto rada koje je najudaljenije od mjesta stanovanja.

Član 5.

(Način obračuna naknade)

- (1) Naknada troškova prevoza na posao i prevoza s posla obračunava se prema kriterijima iz člana 3. ovog Pravilnika, po formuli: $C = \{[(a \times b) + c] \div d\} \times e$, pri čemu je:

C – iznos mjesečne naknade troškova na posao i prevoza s posla,

a – iznos od 9% od maloprodajne cijene litre dizel goriva na području Distrikta,

b – prosječna udaljenost prema kategorijama udaljenosti mjesta rada od mjesta stanovanja,

c – iznos od 4KM za amortizaciju troškova (konstanta),

d – prosječan broj putnika – dva (konstanta),

e – broj radnih dana u mjesecu.

- (2) Obračun i isplata naknade troškova prevoza na posao i prevoza s posla vrši se uz mjesečni obračun i isplatu plata i naknada zaposlenih na osnovu rješenja iz člana 6. stav (5) ovog Pravilnika i evidencije o prisustvu na radu.
- (3) Iznos od 9% od maloprodajne cijene dizel goriva na području Distrikta utvrđuje Direkcija za finansije Distrikta.

Član 6.





(Postupak ostvarivanja prava na naknadu i istinitost podataka)

- (1) Zaposleni podnosi zahtjev direktoru Zavoda, za ostvarivanje prava na naknadu troškova prevoza na posao i prevoza s posla na obrascu Aneks I), koji čini sastavni dio ovog Pravilnika.
- (2) Uz zahtjev, zaposleni je dužan priložiti uvjerenje o kretanju, kao dokaz o mjestu prebivališta u posljednje dvije godine.
- (3) Zaposleni je dužan, uz zahtjev iz stava (1) ovog člana, dostaviti izjavu (Aneks II), koja čini sastavni dio ovog Pravilnika, ovjerenu od strane nadležnog organa, da li dnevno putuje na relaciji mjesto rada-mjesto stanovanja ili ne.
- (4) Osnovanost zahtjeva za ostvarivanje prava na naknadu troškova prevoza na posao i prevoza s posla utvrđuje se na osnovu podataka zaposlenog navedenih u zahtjevu, izjavi i podataka navedenih u prijavi mjesta stanovanja, odnosno potvrdi o prebivalištu izdatoj od nadležnog organa.
- (5) Pravo zaposlenog na naknadu troškova prevoza na posao i prevoza s posla utvrđuje direktor Zavoda rješenjem.
- (6) Zaposleni je dužan direktoru Zavoda prijaviti svaku promjenu podataka od kojih zavisi ostvarivanje prava na naknadu troškova prevoza na posao i prevoza s posla, najkasnije u roku od tri dana od dana nastale promjene.
- (7) Dostavljanje neistinitih podataka relevantnih za ostvarivanje prava na naknadu troškova prevoza na posao i prevoza s posla ili neprijavlivanje promjene podataka u roku iz stava (6) ovog člana, podliježe disciplinskoj i materijalnoj odgovornosti.
- (8) Zaposleni je dužan da za svaku kalendarsku godinu, najkasnije do 31. decembra, dostavi direktoru Zavoda prijavu nadležnog organa o mjestu stanovanja, odnosno adresi prebivališta, u svrhu revizije postupka ostvarivanja prava na naknadu troškova.
- (9) Direktor Zavoda može, u cilju otklanjanja mogućih zloupotreba ostvarivanja prava na predmetnu naknadu, rješenjem formirati posebnu komisiju za utvrđivanje činjeničnog stanja u svakom pojedinačnom slučaju.
- (10) U slučaju da se utvrdi da je zaposleni dostavio neistinite podatke ili da ne prijavi promjenu podataka u roku iz stava (6) ovog člana, dužan je da na račun Zavoda vrati puni iznos naknade troškova koje je ostvario po osnovu prevoza na posao i prevoza s posla.

Član 7.

(Nadzor nad primjenom Pravilnika)

Nadzor nad primjenom ovog Pravilnika vrši Služba za ekonomske poslove i analizu i Sektor za pravne i opšte poslove Zavoda, svako iz svoje nadležnosti.

Član 8.

(Prelazne odredbe)

Obračun naknade troškova prevoza na posao i prevoza s posla, za fiskalnu 2024. godinu, vršiće se prema iznosu maloprodaje cijene dizel goriva na području Distrikta, utvrđene na dan početka primjene ovog Pravilnika.

Član 9.

(Stupanje na snagu)

Ovaj Pravilnik stupa na snagu prvog narednog dana od dana donošenja odluke Vlade Brčko distrikta BiH o davanju saglasnosti na isti, primjenjuje se od 1. 2. 2024. godine i objaviće se na oglasnoj tabli i web stranici Zavoda.

PREDSJEDNIK UPRAVNOG ODBORA



ZAVOD ZA ZAPOŠLJAVANJE BRČKO DISTRIKTA BiH
ЗАВОД ЗА ЗАПОШЉАВАЊЕ БРЧКО ДИСТРИКТА БИХ
EMPLOYMENT INSTITUTE OF BRČKO DISTRICT OF BiH



Fra Šimuna Filipovića br. 2,
76100, Brčko distrikt BiH



049 217 411



049 217 412



Фра Шимуна Филиповића бр. 2,
76100, Брчко дистрикт БиХ



www.zzzbrcko.org



info@zzzbrcko.org



(Ilija Goricki, dipl.oec)

DOSTAVITI:

1. Odjeljenju za zdravstvo i ostale usluge,
2. Sekretarijatu Vlade Brčko distrikta BiH,
3. Članovima Upravnog odbora Zavoda za zapošljavanje,
4. Direktoriju Zavoda za zapošljavanje,
5. Sektoru za posredovanje u zapošljavanju,
6. Sektoru za pravne i opšte poslove,
7. Službi za ekonomske poslove i analizu,
8. Arhivi.

